



## Lekker of fiis?

'Tomke, ik wit in leuk spultsje', seit Yana Yu.  
 'Wy meitsje hapkes.  
 Helje mar wat lekkers út de koelkast.'  
 'Okee, leuk!' ropt Tomke.  
 Hy pakt earst in bus mei slachrjemme  
 en dan in potsje sjem.  
 Yana Yu hellet in potsje moster  
 en in pak súpe út de koelkast.  
 Se draait it deksel fan de moster.  
 'Jakky!' ropt Tomke, 'wat stjonkt dat!'  
 'Ja hè', laket Yana Yu.  
 'Dit is in hiel fiis hapke!'  
 Tomke makket in lekker hapke klear.  
 Psss! Hy spuitet slachrjemme yn in skaaltsje.  
 'Mei ik it no opite?'  
 'Nee, it is in spultsje', seit Yana Yu.  
 'Ik doch myn eagen ticht.  
 Do stoppest in hapke yn myn mûle.'  
 'Okee, wat wolsto ha?' freget Tomke.  
 'Ik mei it net witte,' seit Yana Yu,  
 'sa heart it spultsje.'  
 'Okee', seit Tomke.  
 Hy skept in bytsje slachrjemme op it lep-  
 peltsje.  
 'Mûle iepen, Yana Yu: hap!'  
 'Mmm, hearlik!' ropt Yana Yu.  
 'No meisto. Eagen ticht, hè?'

Tomke docht syn eagen ticht

en de mûle fêst iepen.

Mar dan komt der in hiel fiis luchtsje  
 ticht by syn noas.

'Nee!' ropt Tomke en hy draaft nei de gong.  
 Boem! Hy botst tsjin Yana Yu har mem oan.

'Wat no, Tomke?' freget se.

'Ik wol net in fiis hapke hal!' ropt Tomke.

'O, o', skodhollet de mem fan Yana Yu.

'Hat Yana Yu wer in gek spultsje betocht?

Ik wit wat. Wy romje it fize hapke op  
 en dan meitsje we in lékker hapke.'

Eefkes letter sitte se by de tafel.

Se fersiere cakejes.

Net mei moster en súpe,  
 mar wol mei slachrjemme en sjem.

'Mmm!' ropt Tomke.

'Lekkere hapkes opite fyn ik wól leuk!'

